



3517


kat.komp.)

III.

Mag. St. Dr.

P

*Cracoviensis Studior. Universitas**Promotio ad Jurisconsultum**Kosinski Jan. Cas.**Wojasinski Christoph. Mich.**Gawlikowski Paulus.**Smieriski Franc. Hieron. fusc ad laureati honorem
diadema legitimum in virtute et sapientia.**10 Decembris 1776.**Boenja 3036.*



J U S

Ad Laureati Diadema Honoris
LEGITIMUM,
IN VIRTUTE & SAPIENTIA,
Perillustrium & Admodum Reverendorum Dominorum
JURIS UTRIVSQUE LICENTIATORUM,
D. JOANNIS CASIMIRI
KOSINSKI,

Philosophiæ Doctoris, Ecclesiarum Collegiæ Crac: SS. Omnium
Canonici, Parochialis in Iwanowice Curati, S. R. M. Secr:
D. CHRISTOPHORI MICHAELIS
SWIATECKI,

Collegiæ SS. Omnium Crac: Canonici, Ecclesiarum Parochialium
in Tęczynek & Więclawice Curati, Decani Foranei Novi Montis.
D. PAULI GAWLIKOWSKI,
Ecclesiæ Parochialis in Zalesie CURATI.

OBSERVATUM.

Dumque in Jure Utroque Doctoratum in Alma Universitate Cracov:
ritu solēni, in magna Illustriū Hospitiū Corona,

A
PERILLUSTRI & REVERENDISSIMO DOMINO,
D. M. MARTINO
WĘGRZYNOWICZ,

S. Th. & Vtriusque Juris Doctore & Professore, Prætonotario Apo-
stolico, Ecclesiarum, Cathedralis Crac: Canonico, Collegiarum
Kielcensis Custode, Pilecentis Archidiacono, Contubernij Phi-
losophorum Provifore, S. R. M. SECRETARIO,

P R E N S A R E N T.

P E R
M. FRANCISCVM HIERONYMV M PLVCIENSKI,
Philosophiæ Doctorem & Professore, Collegam Minorem, &c.
Officiosi cultus & applausus gratulatorij ergo
P R O M U L G A T U M.

ANNO DOMINI MDCCLXVI. Mense Decembri, Die 10.

Crac: Typis Francisci Cezary, S. R. M. Illustr: & Rndiss: Dñi Episc. Cracov. Ducis Severiæ Ord: Typogr.



- - Non census, nec clarum Nomen Avorum
Sed probitas Magnos, ingeniumq; facit.

Ovid: Lib: 1. de Ponto.

Sapientia ingenij indoles est, quam nullus effi-
cere sibi potest: Naturæ bonum ac D E I
donum est. *Æmilius.*

Magni fiunt animi, magnis honoribus. *Livius.*

Virtutis uberrimum alimentum est honos.

Valer: Maximus.

Virtutis merces, ac finis, optimum quiddam
est Divinum ac beatum. *Arist. Lib: 2. Eth. C. 9.*





J U S
Ad Laureati Diadema
Honoris
LEGITIMUM.

PRæcellsa dignitatum capeßere fastigia,
multis fastuofis Honorijs desiderabile est,
aß inglorium.

*Illud tantum honoris diadema ad perennem immortalis fame
conducit gloriam, quod Jure vel Virtutis, vel Sapientiæ
(melius Utriusq;) legitimo comparatur.*

Fortunæ folius auspicijs,

Dignitatum subfellia aucupari!

Thesei labyrinthò est illaqueari,

pulchro; sed semper formidolosò.

Exoculatæ Sortis Idolum,

sæpe ex hominibus personata efformat monstra.

Carens luminibus Fortuna,

passim tales in publico gloriæ collocat amphiteatro,

quibus nullum lumen est ad famam,
inde nulla vitæ claritas, sed nox Cimmeria.
Prodest Sicilia Regno ex figulina Patris

ad Regalem vocatus thronum Agathocles;

Feliciter Fasces regunt Romanos

Marij stirpe etsi ignobili nati;

Consulares secures,

securè & legitimo Virtutis Jure recipiunt.

Latio conducit, sed ad solam ruinam,

Crudelis Nero;

Non Virtutis suffragiò, sed naturæ & fortunæ calculò,
fit Imperator.

Quis honor Solio Polono?

ex Fratricida Lecho II, ex luxurioso Popiello,

ex inconstante Miecislao Sene,

vel quæ ex Regali Purpura ijsdem dignitas?

Illustriores fuissent, si latuissent,

vitij solis celeberrimi.

Laudabiliore extitissent,

si non sola sorte, sed urgentium meritorum Jure optimo

Poloni rexissent habenas Regni.

Favens Lucina multis indignis, Coronas, Sceptra, Caduceos, infantibus inserit Cunis, summosq; fasces, adhuc fascijs tenerioribus involuit: majus illis prestitura beneficium, si hæc decora, jure Virtutis legitimo ijsdem consignaret.

Gloriosus Piaustus

tot seculis Lechæo imperat Septemtrioni;

non instabilis Fortunæ alcæ, non generis Nobilitate, non fraudulenti Vlyssis auxilio:

solò & legitimo Virtutis propriæ Iure, Regiam assequitur dignitatem.

Hic solum laudatissimus Honor, qui cedit in Sapientiæ & meritorum præmium.

A Gra.

A Cracia Themide

immarcescibilem Laureati Honoris capeffis Corymbum,

Perillustis & Admodum Reverende Domine,

D. JOANNES CASIMIRE

K O S I N S K I,

Iuris Vtriusq; Licentiate,

Ecclesiarum Collegiatæ Cracoviensis SS. Omnium Canonice,

Parochialis in Jwanowice Curate, S. R. M. Secretarie,

Virtute Tua prodroma, Comite inæstimabili Sapientiâ.

Nihil debes inconstanti Fortunæ, nihil Generis Tui Aviti Nobilitati,

nihil alienis Amicorum suffragijs;

Regium Iuridicæ Dignitatis Stephanoma,

solo Virtutis & Sapientiæ calculo recipiens.

Fortunatum fertilissimæ Podlachiaë germen,

non eam Nobilitatem, quam ex claris Aboriginum Tuorum exportasti

cunis, tenerrimo adamasti affectu,

magis eam,

quæ ex laudatissimis illimis Vitæ venit moribus.

Gentilitia Tua Amazon,

impavido infidens Virgo,

Est in omne Virgo Nobilis ævum.

Dispersit cum Sole manus,

Ut omne fortunatum Lechico Polo colligat munus.

Craciæ Te Camenæ

Hypocreneis omnium Scientiarum lavârunt undis;

Ut frontem Tuam omnis Honoris capacissimam,

Apollinea dignam effecissent Lauru.

Non spe sua elusæ;

erudita Tua tempora, duplici geminæ Laurus Philosophicæ
exornavere Coronâ.

Crescunt uberrimè ijs in frontibus Laurus,

quas gemmeus aliquando irrigavit sudor.

Coronata Tua in Iagelloneo Athenæo

B

Vir-

Virtus & Sapientia,

ejus in amorem animum non captivaret?
ejus præcordia magnetismò quodam non pertraheret?

Perillustis olim & Reverendissimus Dominus,

D. ANDREAS PINKOWSKI,

Canonicus Cathedralis Cracoviensis, &c.
in Areopago Tribunalis Regni septies Iudex,
& intemeratæ æquitatis Arbiter

eruditionis & probitatis in Te
pretiosum vidit gazophylacium.

Grande hoc depositum,

Opalinianæ tradit custodiendum Carinæ.

Ratis illa Magnorum Heroum,

quæ nunc quoq; navigat Astris,

Tibi portus

ut laborum ita & honorum exitit fortunatissimus.

Polonus Jason

Nobili sua navigans Argo,

Illustrissimus olim & Magnificus Dominus,

de Bnin

D. LUCAS OPALINSKI,

Capitaneus Neocorcinensis, &c.

intra Laureatam Penatum suorum Te recepit Navim.

Probatae mentis Tuæ Iudicio,

ea tractanda commisit ultro negotia,

quæ vix MACEDO suo commississet Ephæstioni.

Gravem illam Operum

jam publicorum, jam privatorum Athleticam,

tam indefessis portasti humeris,

ut Atlas nullo sub pondere fatiscens videreris.

Solem Vmbra,

doctam Virtutem & Virtuosam doctrinam,

magni

magni comitantur honores.
Extinguitur Lampas
si ei nulla affundatur pinguedo.
Pretiosi Uniones nullam apud Orbem
merentur estimationem;
si domesticis avari Myda teneantur gazis,
vel nativis occultentur conchis.
Virtus etsi mille digna titulis torpescit, languescit,
si in publico emerita gloriæ non ponatur amphitheatro.

Eximiae dotes Tuæ,
privatis diu non poterant detineri laribus;
In aureo Ecclesiæ DEI statuuntur Candelabro?
Vt earum lux latius diffundatur.

Cautus Ulysses,
mundanas effugiens Syrenes,
in Heroica OPALINIORM Puppi,
seculo alligaris malo;
sacris Mystes dicatus Altaribus.

Tornatiles manus,
Sponsæ Tuæ Ecclesiæ Ivanovicensi porrigis:
Prælucent Tibi non Junonis tædæ,
affulget Illustrissima gratiarum Pharos.

LUCÆ OPALINIJ.

Sponsus factus,
Sponsam Ecclesiam, rugosam, vel lacero tectam amictu
non pateris:
effusis manibus, omnem ab ea fugas horrorem.

Auges ei Honorem:
in similitudinem Cælestis Hierusalem,
aureis eam exornando monilibus.

Nitent Divûm Aræ suo decore;
in Tua Ecclesia,

Mystæ pretioso fulgent in apparatu;
Sacræ Divinis resonant laudibus Ædes;
liberali dexterâ Tua allaborante.

Sacras conscendens Exedras,
in eis JOANNES idest Vox clamantis videris.

Dulci suaviloqui Oris suadâ

Caucaſea tundis pectora,
Vt lympham lacrymarum emittant ſalutarem,
& gratiſſima Cælos recreent Charmoniâ.

Commendatiſſimis geſtis Tuis,
nulla ſacri honoris via, eſt inuia.

Ascendis altiùs.

In Sacro Eccleſiæ SS. Omnium Collegio,
emeritum poſſides locum;

qui jam pridem Corda omnium poſſediſti.
Vt gemma annulo: ita Tu celeberrimo illi inſertus cætui,
Canonicus diceris!

ideſt intemeratus Sacrorum Cuſtos Canonum.

Commiſſiones Publicas ita peragis,
ut nunquam ab eis inglorius recedas.

Gloria Magna Cleri appellatus.

Secundo progredere paſſu,

Secunde Iuris Vtriuſq; Neo-Doct̃or.

Legitimo Tibi debetur Iure,

Magnorum Virorum Ocelle, Aſtreæ Cultor devotiſſime,

Promotor Honoris Divini zeloſiſſime.

Perilluſtris & Admodum Reverende Domine,

D. CHRISTOPHORE MICHAEL

S W I A T E C K I,

Iuris Vtriuſq; Licentiate,

Canonice SS. Omnium, in Tęczynek & Więclawice Curate,
Decane Novi Montis.

Tu ne Fonti Scientiarum in Cracio Helicone,
pro hauſto in Theologicis Iuridiciſq; torrente debeas?

An Tibi hæc Scep̃trigera Pallas?

ambiguum manet.

Decus abutrinque eſt.

Anno.

Annosa hæc Sapientiæ in Polo Sarmatico Parens,
supremis animum Tuum exornavit literis;
Tu honoris illius bajulus ubiq;

Christophorus es.

Tu fortiter pro illius dignitate
dimicans Athleta Michâel.

Phæbeæ lampadis luci
aliquid in Te simile habere debes;
etiam limpidissimas Aquilarum pupillas,
in Te vertis.

Lynceus animorum æstimator, Iuris Oraculum,
Perillustis olim & Reverendissimus Dominus,

D. PETRUS ORŁOWSKI,
Ecclesiæ Cathedralis Cracov: Canonicus, &c.

Perspicaci eruditæ mentis suæ ocellò,
in Tuo capacissimo animo
exactius quàm in Pyrrhi gemma exaratas omnes Musas,
Diviniq; ardentissimum Zelum honoris,
Vidit, observavit.

Ecclesiæ suæ Moravicensis Ovili,
Argum Te dedit centoculum:

fidelissimum gregis Divini Custodem,
& Sacrorum eximium dispensatorem.

Sint alijs metuendæ sævæ in Marte Secures!

Aurea Tarlonum Bipennis,

quam primi in Polono Orbe, honorum circumstant Fasces!
Tuæ Virtuti & decori, & præsidio est.

Camillus Sarmaticus, dilectum Patriæ Corculum,

Illustrissimus olim & Excellentissimus Dominus,

D. ADAMUS TARŁO,
Palatinus Smolenscensis, &c.

Quanti egregias animi Tui præcellentis æstimaverit dotes?

C

Sit

Sic ipse Arbiter, Amor.

Tres Gratias tantum finxit Mythologia;

Tuae Virtuti plures se associant.

Non solo duntaxat Nomine gratosus,
Sapientiae Encyclopædia, Pietatis Exemplar, Præsulum
& Oculus & Cor,

Perillustis & Reverendissimus Dominus,

D. JOANNES TARLO,

Archidiaconus Cathedralis Cracoviensis, &c:

Gratiarum largus apparuit dispensator;

Tibi toties amantissimi Cordis penetralia aperiendo.

Horrida hostibus, amanda Patriæ Civibus,

Tarlonum Ascia,

In Opaliniana Classe,

Sacri extruit Augustal Tibi Honoris.

Iam Te Sacro Canoniconum Collegiatae SS.

Omnium inferit cætui,

Iam Teczynensi Paræciæ,

Te dignum Pastorem, digna commendat promotione.

Fulgenti splendore coruscum Sydus,

Domui DEI affixit,

LUCAS OPALINSKI:

Te commendatissimum Divino gregi

conferens Præsidem:

& Vigilantissimum Animarum Curatorem,

Quæ non agis?

Vigil in Vinea CHRISTI Operarius!

Omnibus solido Sapientiæ robore,

solicitudine Pastoralis, Vitæ intemeratæ exemplo præluces,

ut quàm maximum Cælo ex Animabus

reddas proventum.

Sacræ dum conscendis Rostra Cathedræ,

In

In alijs flammigero ardentissimi Oris eloquiô,
igneam Divini Amoris excitas Æthnam :
In alijs stipulas siccas idest peccatores persequeris,
ne in æterno cæci Erebi ardeant rogo.
Zelô DEI accensus cùm loqueris,
Sacer Cyneas, aut Demosthenes,
Omnium corda, omnium animos,
suavi Verborum catenâ captivas.
Semper & ubiq̃ fortunatus triumphator.
Amphion dulci suæ Cytharæ sonô saxa permovit;
Tu sacrô eloquiô,
tergeminas Graciæ Metropolis Turres,
haud semel permovisti.
In Lechicarum hac Principe & Regina Urbium,
toties gloriosus Virginis Almæ, & Supernorum Civium
Encomiastes.
Prisca ætas,
habeat eximios Templorum Cultores Pompilios :
in Te seculum nostrum Numani veneratur.
Sæpè ad decorem Domus DEI nummos numerantem.
Et Tu Pompilius mereris dici!
pompani Gloriæ Divinæ semper promovens.
Loqui si possent Sacri Penates,
Tęczynensis & Wieclawicensis Ecclesiarum!
Tui munificentiam in Te deprædicarent.
Nihil magis animo pientissimo cogitas,
quàm ut Ædes Sacras
ceu Sponsas Ornatas Viro suo videas.
Avulsa Ecclesijs Tuis Iura,
neglectam temporum calamitate earundem dotem ;
Magno ære, majori cura vindicas.
Novus dotator quia strenuus Vindicator.
Fortuna

quam præceptis Tua manus, in rem Divinam effundit,

Longum Tibi

& post Cineres & dum Vita manebit, erit tributum.

Commissiones Tibi impositas

ita dexterrimè peragis,

ut nemo te melius, nemò prudentius.

Catonis gravitatem, Aristidis justitiam,

Cleantis Vigilantiam,

in custodiendis Juribus, Lycurgi dexteritatem servas;

Talibus medijs,

Commisissis Tuæ Curæ magnis negotijs,

Terminum imponis laudatissimum.

Nulli faventior quàm justitiæ.

Nulli magis metuendus, quàm nefando sceleris.

Nescis quid sit aurò corrumpi

times ne ex corruptione

fiat generatio molesti Conscientiæ vermis.

Sæpe Tibi

Arcopagus Curiae Celsissimi Principis,

ardua Commissionum offert munia:

Veterano militi & in ejusmodi opere belli

bene exercitato Viro, quis ea non concederet?

Novo Decanatus Novi Montis,

à CELSISSIMO PRINCIPE.

Ultro exornaris honore;

Cleri speculum factus,

& in Novo Monte cunctis ad exemplar,

spectaculum.

Sæpe Vincæ CHRISTI Operarios congregas;

Vt ab eis omnem labem segreges.

Pijs monitis, eruditis suasibus,

vitiorum eradicas lolia;

Sanctarum germina plantans Virtutum.

Vt Novi Montis Decanatus,

per Te fiat Cælo gratissimus,

Hortus conclusus.

Huc

Huc quoq; & Tu spectas,
Pulchri istius Ternionis Basis, & gloria ingens:
Perillustris & Admodum Reverende Domine,
D. PAULE GAWLIKOWSKI,
Ecclesiæ Parochialis in Zalesie Curate, &c.

P A U L U S es,
Mensuram nominis imples.
Non vis præclaro tantum nomine esse insignis.

Et Tu
Vas Electionis es, Doctor, & Ductor egregius populi,
portans Nomen Domini coram hominibus.

Bene est: laudandum semper.
Cum Nomen congruit Actioni, Actio Nomini,
ne sit nomen inane, & crimen immane.
Quid prodest vocari quod non es?

Et nomen usurpare alienum.
Multiformi literarum genere,
Animum tuum excoluit Minerva;
Vt Paulum in Te doctum Doctorem
effecisset.

Iuventam, prætextamq; Tuam,
non puerilibus lactasti crepundijs, non molli tractasti otio.

Otium Tuum.

Vel cum Musis, vel cum mutis Magistris,
in silentio disertè instruentibus.
Et inde jam **PAVLVS** futurus **DOCTOR** noscebaris.

Ad Ecclesiasticos Fasces,
prima tibi Via fuit, Pæstani **ROSARVM** strata floribus.

Ad Altiores Ecclesiæ DEI gradus
promoveri non potuisti,
priusquam **ROSARII** Promotor dignissimus,
Staszoviæ fuisses.

*Tali promotione etiam ad summa pervenitur.
Pietas in Superos fecunda est honorum parens.*

Flora Cælestis,
Quæ in primo Conceptionis suæ instanti
Florem illibatae puritatis non amisit,
pro Odoriferis ROSARIANÆ Devotionis flosculis,
Magnorum Tibi Honorum Coronam,
Virgineis præparabat manibus.

Factum est.

Ad Pastoritium Ecclesiæ in Zalesie,
in OPALINIANA Navi,

Fortunatus appulisti Jason.

Ad Aureum hoc capeffendum Ecclesiastici Officij Vellus;

Lux Tibi gratiosa præivit:

LUCÆ OPALINIJ.

Ita Ternio Doctorum,

suffragante Vnius OPALINII manu, Ecclesiasticæ
Hierarchiæ insertus,

pro meritis & exantlatis laboribus suis,

simul ab una & eadem Scientiarum Parente,

Doctoralibus exornatur Laureis.

Progredere Geni!

& in Zalesie frondosam laudum,

pietissimi hujus Pastoris invenies sylvam,

Fatidicam diceres Dodonam!

Quia meritis magnis Vocalem.

Si silentio elinguem Memnonem imitaberis,

in extructa de nova radice Ecclesia in Zalesie,

in ædificata non absq; immodico sumptu

Plebanali Domo,

muti lapides in Oracula versi,

aurum & gemmas pro suo Archimede loquentur.

Sacri lateres,

veriùs quam olim Amphionis saxa

in præcellas tanti Viri assurgent laudes,

ed usq; duraturas,
quousq; perennabit ædificata hæc moles.
Aræ ornatissimæ, quas Divis Cælitibus
liberali erexisti manu;
perenne pietatis Tuæ Superis offerent
Thymiama.

In splendore Sacri apparatus,
Splendor Tuæ munificentiae refulgebit.
Vncti Pontificio digito Ecclesiae parietes,
indelebilem liberalitatis Tuæ in Consecratione
Templi effusæ, Characterem,
Venturis legendum monstrabunt seculis.

Illustrissimus & Reverendissimus Dominus,

D. M I C H A E L

à S L V P O W

S Z E M B E K,

DEI, & Apostolicæ Sedis Gratiâ Episcopus
Paphensis, Suffraganeus, Decanus, Vicarius in
Spiritualibus, & Officialis Generalis
Cracoviensis.

Aaron hic primis Tiaris dignus,
Præsulum gemma, Virtutum Compendium,
Sacrae Ecclesiae Tuæ consecravit Penates!

Ita Pæstanæ quoq; R O S Æ

Templum à Te Divino Cultui extructum ornavere!

& Tuas dignas qualitates coronavere.

Quantum Tibi debet Cælum!

Qui tanta in terris pro Cælo egisti.

Speculum Pænitentiae,

Flammâ Divini Amoris exæstuans Vesuvius,

D. M A G D A L E N A.

D2

Nym.

Nympha hæc Cælestis speciosa,
ad pedes Domini sive dolore, sive amore,
in CrySTALLINOS diffusa fontes,
ex tepentibus lacrymis, Erythræos Tibi
dabit Vniones,
ad æternæ decus Coronæ.

Confraternitatem hæctenus intra Poloniam inauditam,
sub titulo & tutela **D. MAGDALENÆ**,
in Tua Ecclesia erexisti; Indulgentiarum thesauro
accumulasti, Privilegijs munivisti, dotasti;
Quanta liberalitas in Cælum!
Quis amor in Pænitentium Patronam
& Antesignanam!

Divos Cælites novis in dies adaugere gaudijs desideras;
Novos ijs Pænitentes peccatores, providens.
Quis hoc iusto laudis debitæ non celebrabit
Cothurno?

Quod Sedes Apostolica laudando approbavit,
approbando laudavit.

Orbis Christiani Sydus maximum.
Non triplici tantum Gentilitio colli,
sed spatioso beneficis radijs affulgens Orbi

C L E M E N S XI.

Pontifex Maximus, feliciter modernus.
in Diplomate ad erigendam Cōfraternitatē misso,
Paterni sui affectûs Tibi misit Diploma.

Sanctis favendo desiderijs.

Non potest abscondi Civitas in monte posita,
nec Tua Sapientia & Pietas,
intra Novi Montis Decanatum plantata, radicata.

Sive dicis, sive docto calamo scribis,

Vbiq; solidæ Tuæ Doctrinæ

& cunctis ad imitandum eminentis Pietatis cernuntur Vestigia.

Libellus

commodo Sodalium Confraternitatis D. MAGDALENÆ
accommodus,

Quem devotionis Tuæ non spirat? spirabitq; odorem!

Dulci sacri sermonis Hymettò

cùm Divinum pascis ovile,

ita verba gestis, & gesta verbis conformas,

ut Doctrina Tua nunquam dispar à vita
videatur.

Decus Cleri, Pietatis norma Sacerdotalis,

Sanctæ vivum Exemplar Vitæ,

Communi Ore appellaris.

Huc jam Censorini adeste Catones,

Huc accurrite æquissimi rerū pōderatores Aristides.

Themis Academica,

eburneis justam bilancem tenet manibus.

In altera statera,

Laureati statuit Diadema Honoris.

In altera,

divitis Cræsi vel Pigmaleonis præponderantia opes,

Virtutis & Sapientiæ reponit monilia.

Date judicij Vestri sensum.

Niveis Cælestis Astreæ dextris,

gemmeo Probitatis & Eruditionis par;

Juridica debeatne offerri Corona?

Decidite,

Virtus omnia in se habet.

Sapientiæ

- - & honor & laudes, & læto gloria vultu,

Et decus, & niveis, Victoria concolor alis

Famulantur.

Omnia his adesse debent, quos penes est Virtus & Sapientia.

Ergo & Laureati ut cedat Diadema honoris,

E

poscit

poscit

JUS LEGITIMUM.

Vestri hæc est triumphæ ingens materies,
Perillustres & Admodum Reverendi Domini,
Juris Utriusq; NeoDoctores dignissimi.

A Cracia Themide,

pro Herculeis in invenienda Virtute & Sapientia
laboribus Vestris,

immarcescibili semper perennaturæ gloriæ
coronamini Laurus.

Liberale agnoscite Cælum.

Emeritum frontium Vestrarum decus,

liberalibus percipitis dextris,

PERILLVSTRIS & REVERENDISSIMI DOMINI,

D. M. MARTINI

WEGRZYNO WICZ,

Juris Utriusq; Doctoris & Professoris,
Canonici Cathedralis Cracov: &c.

Aureus hic Juris Vtriusq; Tripas,

Vobis dignis legum & Divinarum & humanarum Custodibus,

Doctorum offert Insignia.

Tyaratorum Caput Cor & delictum,

Laurigero Vestra redimit Capita sermo.

Sub Victrici hoc Eruditi Honoris Diademate,

quod Jure capeffitis Legitimo:

ad singulare Ecclesiæ DEI Ornamentum,

longissimorum dierum, honorum, fortunarum,

indefficiens capite incrementum.



1716
1
1698
1716

2.11.18.38

Biblioteka Jagiellońska



stdr0011402

